





6


P. 207


JS - 29


N. 1


ce


B




















LA VIE ET

INNOCENCE DES DE V X
FRERES, CONTENANT VN AMPLE
discours, par lequel l'on pourra aysement rembarrer
ceux qui taschent à estaindre leur renom.



A PARIS,

Pour Anthoine du Brueil demeurant en la rue neufue no-
stre Dame, deuant sainte Geneuiefue des Ardans à
l'enseigne du Faucheur.

Avec permission

1580

Case


F

J. A. V. I. H. E. T.

INNOCENT DE V. 1589

THE NEWBERKY LIBRARY

THE NEWBERKY LIBRARY



A. P. 1589

THE NEWBERKY LIBRARY

THE NEWBERKY LIBRARY



A MONSEIGNEUR
LE DUC DV MAINE ET
Messeigneurs les Princes, vnis
en Iesus-Christ.

SONNET I.

Princesesquels l'Eglise se repose,
Tres-assurez soldats de Iesus Christ,
Chefs du vaisseau où repose l'esprit,
De nostre Dieu où est la foy enclose.

Grands Conseillers si le renard propose
De faire paix, ne perdez pas l'esprit:
Ce meschant scait qu'il lion fut destruiect,
Par mesme ruse à celle qu'il compose.

Souuenez vous de ce grand Gedeon,
Qui quasi seul garda d'oppression,
Graces à Dieu, les autels & les temples.

O toy grand Duc, souuiens toy de ton pere,
Resouuiens toy de ce grand Duc ton frere,
Formez vous donc à ces dignes exemples.

SONNET 2.

Dieu & Sathan sont choses dissemblables,
Le saint Agneau n'accordera jamais,
Qu'avec le loup puisse durer la paix,
Il faut aussi joindre choses semblables.

Aux faits de Dieu sont ses faits comparables,
Dieu contrarie aux Politiques loix,
Contre l'honneur deu à Dieu ne vaut Paix,
Proposez vous ses hauts faits redoutables.

La main de Dieu puissante & vengeresse,
N'accourcist point alors que l'on adresse,
A luy ses vœux, Nostre Dieu courroucé,

De son saint mort qui demande vengeance,
Redoublera, Prince, vostre puissance,
Si vous vengez son honneur offensé



LA VIE ET INNOCENCE DES DEUX FRERES,

*contenant un ample discours, par lequel
l'on pourra aisement rembarrer ceux
qui taschent à esteindre leur
renom,*

DEDIEE A MONSIEUR LE
Duc du Maine.



Monsieur, bien que nous ayons esté le tēps passé comme forcez de dissimuler plusieurs choses couuertes & mal saines, qu'à bon droit nous pouons maintenant librement confesser avec bon &

suffisant tesmoignage estre les ennemyes capitales de vertu & generosité, & vraye mere nourrice de couardise, d'iniquité & trahison, pour asseurement cōuerser avec plusieurs sortes de vermines, comme Heretiques, Politi-

ques, & plusieurs autres manieres de gens encore de pire estoffe, lesquels n'ont aucune assurance de Foy ne Religion, comme Atheistes, idiots, insensés & sans party, lesquels pensent que la mort des gens de bien qui depuis vne longue espace de temps a esté par eux souhaittee, leur donneroit quelque esperance de liberté à l'aduenir. Ce qui a esté cause (monseigneur) que j'ay rompu promptement les barrieres du silence pour respondre aux calomnies & fausses propositions que ces maldifans & mensongers mettoient à sus, outre la pure & sainte verité, lesquels disoient que le Roy estoit maistre en son Royaume, & qu'il failloit qu'il fut obey de tous en iceluy, que l'on scauoit bien que les Sieurs de Guise conspiroient contre son estat, & se vouloient emparer de sa personne: Que pourtant il ne deuoit estre reputé Huguenot. Que les sieurs de Guise leurs adherans & associez estoient crimineux de leze Majesté, que le Roy doncques est excusable s'il les a fait mourir: qu'il n'a peu moins faire pour remettre l'obeissance en son Royaume, consoler son peuple attenué des guerres passees, & luy apporter la paix, que faire mourir ceux qui faisoient la guerre. Je cognois, & ne suis, graces à Dieu, encor tant transporté, que ie fais ce qui appartient à vn grand personnage, à vne plume merueilleusemēt scauante, non à moy ny à ma plume, à moy, dis-je, qui n'ay iamais peu tirer en

côres mes pieds de la fosse obscure & tenebreuse de l'ignorance.

Mais quoy? ô bon Dieu! pusilanimité & doute que j'ay de moy-mesme, me gardera-elle de communiquer ce que ie sçay à gens de mon estoffe? Nostre Seigneur ne le paye-il pas, tant il est facile creancier, de la bonne volonté de ses creatures? Si ie ne suis si grand orateur que les autres, si ie n'ay le don de dorer mes escrits, si mon style n'est de pur & doux laiët, Dieu n'entend-il pas mon patois? Dieu dis-je, qui creuse iusques au profond du cœur & de l'estomach de ses creatures, & d'icelles puise ce qui est bon pour leur salut. Ie diray doncques pour l'honneur & reuerence de mon Dieu, de ma Religion Catholique, Apostolique & romaine, pour ma consolation & de ma patrie & de mô prochain. Et bien que mon escrit ne merite d'estre manié par mains sçauâtes & doctes, si escriray-ie pour les petits comme moy, ne pouuant plus retenir en mon estomach enflé & boursouflé de dueil, que j'ay contre ces gens forciers & charmeurs, qui par leurs miellees parolles pensent endormir, & empoisonner tout ainsi le simple peuple, comme fait le trahistre oisceleur le petit & innocent oyseau.

C'est vne maxime, Que le roy est le maistre en son royaume, sortie de la bouche de toutes ces personnes, c'est assauoir d'heretiques ouuerts, reconciliez, relaps, politiques, ou

plutoſt Aaheïſtes, officiers du n'aguères Roy & autres gens de ceſte farine, doit eſtre eſtrangement ſuſpecte aux gens de bien, & bien qu'à noſtre grand dommage nous l'ayons touſiours pratiqué, c'eſt à dire, que nous ayons obey, enduré, paty plus que la raiſon & nos conſciences ne le permettoient, iuſques à ce que le masque leué des tromperies, des iniures, des meſchancetez qui eſtoient braſſees, compoſees & deſignees à l'encôtre de Dieu, de ſa ſaincte, chaſte, belle & obeïſſante eſpouſe l'Eglife, & de nous meſmes, nous en ayons eſté ſainctemēt & ſolennellemēt diſpenſez par ceux, par les mains & puiſſance deſquels cela ſe pouuoit & peut faire: & procedant de leur inſolente bouche, l'on leur peut dire qu'ils ne ſont point dignes d'eſtre creux, & qu'ils ſont bonnement & iuſtement à debouter.

C'eſt vne autre maxime trop familiere q̄ celuy qui dit cōtre luy-meſme, ne doit eſtre ouy, & n'eſt raiſonnable q̄ ſoyons tenuz de croire ce q̄ ceux qui nous veullet enſorceler n'ont creu. Les Huguenots ont ils creu que le Roy fuſt maiſtre en ſon Royaume, ou qu'il le deuſt eſtre? Se ſouuiennent ils point que la mort de Henry aduenue qu'ils redoutoient pour auoir fait preuue de ſa perſonne en pluſieurs guerres, & qu'ils firent finalement mourir par les mains d'un de leurs grands capitaines, executé trop de temps après, ſoubs Charles 9. ſon fils, qu'ils prirent ouuertement

uertement les armes à l'encontre de François 2.
& ledit Charles 9. pupilles pour se saisir de leur,
personnes, destruire leur estat, couronner leurs
Atheistes Rois de France, & en ce beau, grands
& tres-chrestien Royaume, qui ne sçauoit, que
encores peu, quels monstres, & quelles bestes e-
stoient les Huguenots, Bésiens & Calvinistes,
planter leurs heresies, faire deuenir ceste Catho-
lique tare tant aimée de Dieu, tant enrichie de
bons & fideles Catholiques, de beaux, excellens
& admirables temples, vne nouuelle Babylon, &
dilater par ce moyen leur puante & infecte pu-
tain Geneue. Ont-ils perdu la memoire de ce
qu'ils firent à Meaux, à Amboise, de ce qu'ils ont
fait à Orleans, à Poictiers, à Dreux, à saint De-
nys, à Chartres, à Montcontour, en tout le Dau-
phiné, qu'ils ont fait sentir à tous les anglets &
coings de ce iadis tant specieux & tant florissant
Royaume, la viue pointe de leurs meschantes,
furieuses, abhominables & execrables delibera-
tions? Ont-ils point de souuenance d'auoir fait
empoisonner François 2. à Orleans allié par ma-
riage à ceste Auguste, magnanime, vertueuse &
tant Catholique Royne Marie de France & d'Es-
cosse? Ont ils point deuant les yeux qu'ils ont
encores fait mourir Charles 9. de poison, voyans
ces deux Rois affectionnez tant qu'il est possi-
ble (si Dieu qui dispose des affaires de ce monde
selon sa diuine prescience & bonté l'eust per-
mis) au restablissement de l'honneur de Dieu,
de sa sainte Eglise, & à l'extirpation de ceste

maudite vermine? Se souuiennent-ils point d'auoir emblé les places & villes fortes appartenantes aux Rois: de les tenir encores de present, d'auoir faisi, sans aucune restitution, les deniers Royaux? Mais quoy! ô extreme vitupere, d'auoir ruiné les temples & autels dediez à Dieu, & où estoit consacré tous les iours son tresdigne & tresprecieux corps nostre viande spirituelle? Se souuiennent-ils point d'auoir pris les subiects à rançon, d'auoir violé leurs femmes, massacré les Saints de Dieu, ô temps miserable & lamentable? Se souuiennent-ils point encores d'auoir inhumainement, villainement, & traistreusement fait tuer Monseigneur le Duc de Guyse à Orleans. Ce sont, ce sont ces bons & fideles subiects: ce sont ces tresasseurez & tresobeissans seruiteurs les Huguenots Royaux, lesquels par secrettes intelligences & collusions, scachans la mort machinee, & aisee à executer sous tant de serments perduz en la personne de Messeigneurs le Cardinal & Duc de Guyse, & que ce Roy leur auoit donné extremes tesmoignages qu'il auoit renoncé au Christianisme, coniué avec Henry de Nauarre, avec ceste vilaine & impudique meurtriere Iesabel d'Angleterre, la rume des bons & fides Catholiques, des tresfermes & assurez pilliers de nostre Eglise, les Princes de Lorraine, & veulent à present persuader que ce Roy doit estre le maistre, & qu'il luy faut rendre en

tout & par tout obeissance. I'ay cause de me con-
 tenter de monstrier que leurs actes les iugent
 meschans & miserables, indignes de porter au-
 cun tiltre d'honneur. Les actes font resplandir
 ou noircissent nostre vie, & comme disent les
 Philosophes, ce qui s'accorde tresbien à la pure
 & saincte parole de Dieu, vertu gist en ses actiōs
 & fonctions vertueuses, & les œuures font tout
 ainsi recognoistre l'ouurier, comme le fruit fait
 recognoistre l'arbre, & le pot fait reputer le po-
 tier. Mais il les faut conuaincre par raisons, &
 leur monstrier que nous ne sommes du tout i-
 gnorans. Ils confessent (ie les estime encores a-
 uoir cest esguillon de bon naturel) qu'il est vn
 Dieu, qui de sa seule parole a creé le ciel, la terre,
 & tout ce qui est au monde: que c'est à luy la ter-
 re, la mer & tout ce qui est en icelles: Qu'il est
 Roy souuerain de tous les Roys, Dieu des vi-
 ctoires & batailles. Je parle peut estre à leur ap-
 petit: car ils disent pour vn fondement trefas-
 seuré de leur maxime, que Dieu a donné les
 Rois, & que saint Paul grand docteur de no-
 stre Eglise dit, que toute puissāce est ordōnee de
 Dieu, que qui resiste à la puissāce, resiste à Dieu,
 Passages qu'ils n'ont iamais entenduz, & qu'ils
 tirent par les cheueux à leur mode. Je leur de-
 mande: Dieu n'est-il pas tout bon? Je croy qu'ils
 diront ouy: car qui diroit autrement il seroit pos-
 sedé actuellement du diable, & puis la bonté de
 Dieu est si grande, que mesmes les plus meschāz

sont forcez de la confesser. Ils me confesseront
 encores que Dieu est l'auteur & le pere de tout
 ce qui est bon & bien fait tant au ciel qu'à la
 terre, que Dieu ne commande rien qui ne soit
 saint & tresbon. C'est pourquoy ses comman-
 demens, ses loix, ses iugemens sont eternels, &
 periront premierement le ciel, la terre & toutes
 choses creées, que ses saints decrets, selon le
 Prophete David. Ils sont desirables & souhait-
 tables plus que l'or, les pierres precieuses, &
 beaucoup plus doux & agreables que le miel. Si
 doncques les Rois tiennent leurs Royaumes de
 Dieu, si Dieu leur a donné les Monarchies &
 Principautez, fils sont appelez Lieutenans de
 ce grand Dieu, non pas en leur terre, mais en ses
 terres: Car le mot de Lieutenant represente as-
 sez la seigneurie de quelque chose estre à vn au-
 tre qu'à soy-mesmes, & les Rois de France se sont
 tousiours sagement intitulez, Rois par la grace
 de Dieu. Si les Rois sont autant estreictement
 obligez par les loix diuines, que leurs subiects
 spécialement par les loix de commandement, &
 se glorifient d'estre imitateurs en terre de Je-
 sus Christ ce grand Roy, faut malgré eux qu'ils
 me confessent, que le Roy n'a appris ny des co-
 mandemens de Dieu, ny des loix anciennes du
 vieil testament, ny de toute l'histoire sainte.
 Laissons les saintes loix, car il a esté remarqué
 tousiours pour n'en auoir voulu ouyr parler,
 ains plustost des prophanes. Où me trouuera-il

loy, histoire, & aucun monument, qui luy conseille d'vser de rauissement, d'incestes, de sacrileges, de pilleries, de rançonnemens, de trahisons, de sorts, de meurtres, de massacres, de proscriptions d'empoisonnemens : bref de toutes impuritez & meschâcetes brutales qu'il est possible de dire & raconter au monde. L'on sçait bien qu'il est parricide par la mort commise en son frere François mort à Chasteau-Tierri, & à tous ses heroiques actes, pour lesquels ses abusez Atheistes luy ont préparé vne troisieme couronne, il falloit adiouster la mort de sa mere la Royne Catherine. Que pleust à Dieu, pour le bien de la France, ou que iamais ils n'eussent esté nés & cogneuz en ce desolé & presque destruit royaume. ou que la Parque trop ennemie, eust dès le temps de leur fatale, à ce pauvre royaume naissance, tranché le filet de leur indigne, impudique, incestueuse & execrable vie. O tēps miserables, infectez & diffamez de tels monstres, ennemis vrayement dès leur naissance, & de sainteté & de sainte religion qui auoient tousiours flory en ce iadis beau royaume & du renommé, & entre toutes nations prisé nom, François. Y auoit il coing en la terre au precedant eux où le François ne fust respecté & honoré? Y auoit il Royaume plus renommé pour la sainteté? Je ne puis dissimuler & taire que nous n'ayons du temps de François, ayeu de ces mise-

rables & leur tige, receu quelque bien en France. L'on dit qu'il estoit homme d'estude, qu'il auoit les doctes en recommandation : toutesfois s'il est vray ce que i'en ay entendu dire des anciens, trop veritable à nostre dommage, fut la parole de ce bon Loys douziesme pere du peuple, & veritablement le dernier de nos bons Rois, que le voyant trop curieusement, pompeusement & contre l'ancienne coustume des rois de France habillé, fuiuy, & faire de hautes & inouyes entreprises, qu'il perdrait son royaume. Car à la verité (s'il est vray) nous augmentant la congnoissance des bonnes lettres en France, & fauorisant les doctes, il a eu fatalement ce malheur, qu'en son temps ayant par ses meurs orgueilleuses & venteuses enorgueillly ses subiects, les heresies ont commencé & depuis iusqu'aujourdhuy, & (s'il plaist à Dieu) iusqu'au besot de sa race tellement augmenté & accru, que ce miserable besot pensoit bien auoir mis la coignée en la racine quand il a assassiné ces deux Phares, ces deux transparans Soleils de toute la Chrestienté. Il pensoit (comme disoit vn ancien Tyran qui desiroit que le peuple de Rome n'eust qu'une teste, qu'il l'eust coupee) que les ayans mis & traistreusement tirez hors de ce monde, que tous les Catholiques, comme ruinez & abbatus, quitteroient leur foy, leur loy, leur sainte religion, pour se veautrer comme luy en ses incestes, en ses paillardises en

sa sodomie, peché qui n'auoit esté cogneu en France que depuis sa bonne mere, en sa forcele-rie, & que tous comme luy enragez serions demonomanistes. Mais laissons ceste raison. Sçauēt ils que le Roy par toutes les sainctes & prophanes escriptures est appelé pasteur des peuples, qui est l'epithete que ce grand & trespuissant Empereur Iesus Christ se dōne, & le mesme que Homere (ie tais les autres) donne à son Agamēnon? Est ce le fait d'un pasteur, d'escorcher, d'esgorger, de perdre & de ruiner? Où sont les moutons, les ouailles que Iesus Christ a iettees au loup: où sont celles qu'il a escorchees? L'on peut dire que ce miserable, son tresmiserable & tresperuers conseil sont semblables aux serpens, lesquels tournent tout ce qu'ils deuorent, bien que precieux, en venin & poison. Ils en ont fait ainsi. Ont-ils pas leu & pratiqué tout le mal que iamais les Tyrans par infinis siecles auoient ex-cogité & executé, rapporté & représenté pour l'eniter non pour l'embrasser. Il auoit leu que le bon pasteur veille ses ouailles, de peur qu'il doit auoir de les perdre: Que le pasteur doit opportunément tondre & non escorcher. Mais, ô malheur, il a pris la lettre comme ont accoustumé faire les forciers & heretiques à contrepoil, & à contre-sens l'a executée: Car il a escorché, meurtry, assassiné & esgorgé. Qui est le Huguenot qui ne chasseroit vn tel pasteur, s'il l'auoit en sa maison, & à bonne cause: car tel pasteur la deso-

leroit & mettroit en ruine incontinent. Sont ce pas les œuvres du Diable & non de Iesus Christ? Sont ce les actes d'un Tyran ou d'un bon Roy? Dieu n'est il pas auteur de la paix, le Diable de sedition? Le royaume de Dieu est il pas le lieu de paix & de melodie, le royaume du diable le lieu de gehēne & d'horreur? Dieu nous esgorgera-il pour garder son estat? est-ce le moyen qu'il a donné pour maintenir & conseruer vn estat? Qui est le pere qui voudroit meurtrir et tuer ses enfans? l'on dit qu'il n'y a au monde amour comparable à celle que porte le pere à ses enfans. Vn ancien dit qu'il ne faut point de philtre pour rendre les peres amys de leur progéniture. C'est leur sang, ce sont les os de leurs os, la chair de leur chair, c'est vne grande portion de leurs entrailles, et à bonne cause celuy qui n'ayme son frere, disoit vn ancien, qu'il n'a aimé son pere, pour ce qu'il faict vne portion de son pere. Et vn Legiste appelle meritement celuy-la insensé. qui se fie plus en vne autre personne qu'en son pere. Toutes les loix tant diuines que prophanes ont si bonne opinion du pere qu'ils ne pensent pas qu'un pere voulust iamais rien faire ny penser contre le salut et aduancement de ses enfans. Il n'y a plus Auguste ny plus haut nom au ciel ny en la terre que le nom de pere. Dieu a encores pris ce tiltre, d'estre le pere de toutes ses creatures. Es loix de Dieu est dict: Tu honoreras ton pere et ta mere, affin que tu viues
longue-

longuement sur la terre. Les anciens Ethniques appellent le pere Dieu terrestre. Les loix prophanes sont toutes pleines de l'honneur deu au Pere. A quel but tend cecy? le Roy doit il pas estre ce bon pere? sommes nous pas ses enfans? Nous ne sommes pas ses serfs, ses esclaves, nous sommes freres en Iesus Christ, nous recognoissons vn mesme pere. Mais, ô bourreau, & non pas pere, la loy punist elle pas le pere qui esteint son part? Y a-il beste feroce, brute, cruelle, enragée qui tue ce qu'elle a engendré? la race failliroit bien tost, si tels peres n'estoient punis: Et donc ce sera nostre maistre pour nous esgorger. Posons le cas, il n'y a seruiteur, tant abiect soit il, qui soit tenu d'endurer, s'il peut y apporter remede, que son cruel maistre luy oste la vie. Où est ce bon Centurion qui appelle, non sans mystere, son seruiteur son enfant? O nous enfans d'un traistre pere! ô nous seruiteurs d'un encor plus meschant & furieux maistre! La loy ciuile pour la dureté des maistres n'a-elle pas affranchy les seruiteurs, & rigoureusement chastié leur ferocité? Nous ne sommes pas ces serfs là que les Romains soulageoiét: Nous sommes François qui ne sommes tenuz d'endurer ce dur & cruel cousteau sur noz gorges. Est ce là la puissance qui leur est donnée sur nous: La parole de Dieu douce & gracieuse, doit elle estre entendue si fureusement? I'ay parlé assez des Heretiques, Atheistes & de ceste maniere de gens, reste à par-

ler des Politiques & officiers , & monstrent qu'ils
 ne sont plus croyables que les autres , ains que
 ils sont cause de la meilleure partie de la desola-
 tion de ceste Monarchie . C'est chose assez no-
 toire à tout le monde , que ses officiers ne sont
 entrez en leurs estats que par la porte doree, de
 façon que qui a eu de l'argent ou qui a esté bon
 heretique a esté receu & employé en iceux . De
 rechercher d'où & de quand est procedé ce mal-
 heur, il ne le faut plus loing qu'à François pre-
 mier, qui commença à ouvrir la porte à la vena-
 lité , & depuis signamment souz ce bon Roy (s'il
 plaist à Dieu) sans respect de mœurs, de probité,
 de scièce, d'expérièce, de merite, les asnes mitrez
 & courónez s'ot entrez és estats, dignitez & char-
 ges. De ce mal en s'ot sortis d'autres pires & pl^o per-
 nicieux: le premier qu'ils sont, comme a noté vn
 personnage de ce temps , tous entrez & entrent
 encores ordinaiement en leurs charges par par-
 iures, eux qui sont establis pour faire garder la
 foy : eux qui manient & traictent vne si saincte
 chose que la iustice, eux dis-je, qui doiuent iu-
 ger & chastier les pariures. C'est chose deplora-
 ble en tout estat, en tout ordre, en toute assem-
 blee, quand celuy qui preside, qui gouuerne, &
 qui commande est pire que ceux ausquels il com-
 mande : quand celuy qui est mis pour veiller est
 le premier endormi: quand celuy qui a les mains
 sanglantes de meurtre , entreprend de iuger vn

meurtrier, l'on luy peut dire, tu es reiectable & indigne: medecin guaris toy toy-mesme, ou toy qui as fait la loy tu ne la dois rōpre, ie ne te veux auoir pour arbitre, ie te recule pour mon iuge. L'on dit d'un ancien Legislatteur qu'ayant fait vne loy de n'entrer armé au conseil, qu'y estant entré les armes encores sus le corps, desquelles il venoit de deffendre sa ville, il luy fut reproché, qu'il auoit rompu sa loy: Il prit en presence du Senat son poignard & s'en donna dans la gorge pour monstrier qu'il ne vouloit aucunement enfraindre sa loy, & qu'il n'est aucunement raisonnable de tailler à nostre prochain vne loy que ne voulons garder: Car où la loy est bonne & sainte, & qui est celuy qui l'ayant faicte tant ennemy de sainteté qui ne la voudra garder? Où elle est meschante & pernicieuse, en ce cas nous ne sommes tenuz de la garder: car les loix doiuent estre saintes, bonnes, possibles & honnestes. Le second, qu'il est par ce moyen licite de vendre tresiniquement & trescherement la iustice, de sorte qu'il ne se vend denree si chèrement; n'y a or, argent, diamans, rubis ou pierres precieuses si cheres & de si grand prix que la iustice, & est trop pratiqué en ce Royaume, que qui scait bien faire la mine, qui a de la temerité au front, qui peut par nouuelles inuentions ruiner le simple peuple, qui peut troubler le repos que doiuent auoir les bons & fideles Catholiques, qui a pour paruenir à cela six ou sept mille escuz

en bourse, il vaut beaucoup mieux auoir à vn tel
 muguet vn estat de Conseiller sans barbe à la
 grande chambre, & ainsi semblablement des
 autres, d'où monsieur outre les reuerences, de-
 grez, preeminences, authoritez, prerogatiues
 qu'il est en possession de receuoir : De battre,
 outrager, excéder, violer les suiets, & ce sans que
 personne en ose mot dire, desbaucher les fem-
 mes mariees, mettre la main publicquement à
 l'espee, couper le nez aux femmes sans en estre
 recherché, pourra librement, publicquement, so-
 lennellement, au veu & sceu de tout le monde,
 piller & voller le bien de la veufue & de l'or-
 phelin, vendre de bons & gros proces, aux des-
 pens de bons & gras benefices qu'il tient par ses
 Custodinos: auoir la coche & les cheuaux, la mu-
 le avec son atour & harnois doré neuf, & non au-
 trement, tirer d'autres grands rançonnemens,
 qu'ils appellent esmolumens de leurs charges, le
 prix de leurs labeurs, qu'une terre de cinquante
 mille liures, où il faut semer, labourer, & bien
 souuent ne rien recueillir, ou si quelque chose,
 avec vne extreme & insupportable peine, sans
 estre respecté des payfans : car ils nomment les
 membres de Iesus Christ comme eux, par vn re-
 proche vilain & deshoneste, par ce que Dieu n'a
 donné à leurs pauvres voisins tant de beauté,
 tant d'aïses, tant d'autorité, tant de finance mal
 acquise comme à eux. Cela n'a esté vn peu dilaté
 sans cause, car ces venerables officiers, qui ça-

uent que quand vn corps est extremement malade, il faut y apporter extreme secours sans espargner le feu, le cauthere, & si besoin est le ter ou le glaiue: preuoyans que le nombre effrené d'eux, l'abus que l'on y commettoit, estoit entre toutes choses du monde digne de correction & d'exemple public, que la pluspart d'eux souz la couleur de leurs deniers, ou souz secrettes & particulieres intelligences estoient entrez en leurs estats: que l'heureux iour sembloit approcher que toutes choses deuoient estre reduittes & restablies. Ont ils iamais craint rien d'auantage: ont ils pas iugé que leur oster leur effrencee concupiscence & immoderee liberté, c'estoit les ruiner? Voyons s'ils ont obey au Roy, s'ils l'ont recogneu pour maistre au temps qu'ils ont pensé qu'il y alloit de leur interest, & si comme gens entierement perduz, ils se sont pas moquez en nos presences de nous & mesprisé nostre bien, voire esté la cause, que (si Dieu ne nous console) les bons Catholiques auront tousiours le glaiue sus la gorge. Lequel d'eux sera-ce qui me voudra soustenir, qu'il aye apporté aucun zele & affection à l'execution de l'edit d'vnion? Qui a forgé & composé cest edit. N'est-ce pas ce dont ce bon Roy, ce bon pere de famille, ce bon pasteur, ce bon maistre (s'il plaist à Dieu) nous veut à present payer? Dont il veut faire vn bouclier & eschelle? Qui est celuy desdits officiers, lors que l'on luy a mandé de saisir & vendre les biens des

heretiques, qui s'y est embesongné? au contraire, qui est celuy, quand il a fallu liurer les places pour faire la presche, venger vne pretendue iniure faite à vn de la religion reformee, c'est à dire à vn mastin d'heretique, qui n'y est allé en poste, qui ne s'y est employé de toutes parts aux despens bien souuent de quelque bon Catholique? Où sont tant de patentes, tant d'Edits, tant de mandemens, tant d'aduertissemens faits & enuoyez depuis l'an mil cinq cens ostante cinq? Mais où en est la premiere execution? Nos officiers Politiques vont à la Messe, ie le confesse. Ils font la Pasque: ils vont les premiers aux Processions: ils ont les premieres places & les premiers rengs: Mais! ô bô Dieu, ce n'est qu'e corps. L'esprit est à composer comment ils pourront ourdir les tromperies pour retenir leurs bons amis les heretiques, par le moyen desquels ce pauvre estat sera tenu en perpetuels & immortels troubles, l'on ne donnast ordre quelconque à aucune reformation, ils soient maintenuz en leurs offices, ils peussent continuer leurs voleries & rançonnemens, & finalement dont ces bons Princes fussent cruellement & traistreusement esgorgez: ces Princes dis-ie, qui estoient la pierre qui les offensoit: ces Princes restaurateurs des choses desolees, medecins de noz playes incurables, tant en ce qui regardoit le point de nostre conscience, de nostre foy & religion, que l'estat de noz affaires domestiques & priuees,

qui dependent entierement de la foy & consci-
 ce de ces Politiques. Qui est celuy qui ne sçache
 que si ce Roy eust esté le maistre, & si les Politi-
 ques eussent obey & non disposé des affaires à
 volonté, que c'eust esté le cousteau qui eust
 coupé la gorge à ses trahisons & dissimulations,
 qui eust fait perdre l'escrime à son Machiavel,
 & son trahistre, brutal & plein de toute impieté
 Belloy? S'il y a eu quelqu'un d'entre ces Mes-
 sieurs qui aye fait son deuoir, l'on peut dire de
 luy, que c'est vne fleur au milieu d'un million de
 ronsles, que c'est vn Ange au milieu d'un milli-
 on de Diables. Je les conuaincray en vn mot, & tou-
 tesfois irrefutable. Ou ils s'entendoient avec le
 Roy, & sçauoient qu'il ne vouloit perdre les he-
 retiques, ains qu'il les vouloit auancer, ou ils n'e-
 sçauoient rien. S'ils le sçauoient (ce qu'ils ne con-
 fesseront, comme ie croy) ô miserables & dam-
 nables heretiques qui allez à la Messe pour trou-
 uer les bons Catholiques: Idolatres & vilains,
 ennemis de toute sainteté, que religion & con-
 science ne pousse pas, ains vostre pure trahison &
 affection de bien faire vos affaires, à bonne
 cause les Huguenots se moquent de vous, &
 dient que les Politiques sont pires que les Hu-
 guenots. Encores quelques vns d'eux pensent
 (trompez et enforcez) suiure la veritable et
 sainte religion. Le surplus de leurs meurs sem-
 ble estre tollerable, si vous n'en sçauiez rien.
 Encores plus miserables, que faute de deuoir,

faute d'obeissance à sainctes deliberations et resolutions auez esté les poignards, auez esté les traistreuses et sacrileges mains qui auez meurtry ces saincts & vertueux Princes . Ce sera vous (si non plustost) qui en respondrez au souverain & horrible iugement de Dieu . Quelle aparence ou quel propos y a il donc de dire que le coupable tance l'innocent , que le traistre & meschant escriue la loy à l'homme de bien & qui vit sainctement : que ceux cy nous facent croire qu'il faut obeir au Roy & ne luy ont obey en choses sainctes , bonnes, pitoyables & salutaires pour la restauration de l'honneur deu à Dieu, & de ce (tant de temps il y a) desolé & quasi profligé estat. Voyons s'il y a plus de raison à l'autre & second point de leurs communes calomnies & impostures, apprise en l'eschole de cest imposteur & calomniateur Sathan . Que l'on sçauoit bien que les Sieurs de Guyse conspiroient contre son estat , & se vouloient saisir & emparer de sa personne . C'est chose esmerueillable que ces grands & sçauans Heretiques, Atheistes & Politiques qui se pensent estre les Phoenix du monde, qui pensent auoir la parfaicte science de toutes choses, pour tenir l'immerite & indigne reng de Chanceliers, Conseillers & Secrettaires d'Estat, Presidens & Conseillers des Cours souveraines, qui disent que nous autres liguez (car d'vnis, ils ne nous veulent appeller ainsi) nous ne sommes que racaille & populace, ne mettent vn
 peu

peu en auant leurs belles raisons. Ils disent & mettent en faict chose qui ne se pouuoit exécuter en la pensee, ains il y falloit apporter des moyens externes, visibles, palpables & subiects à estre esclairez & remarquez. Nature & raison veulent donc qu'ils en facent preuue, mais pertinente, peremptoire & non reprochable: Car prouuer par leurs arguments cornuz & ne rien prouuer ce sont choses semblables: & dire & ne rien prouuer, n'est-ce pas proprement le faict d'un heretique, c'est à dire d'un enfant du Diable? Qui diroit que quelqu'un auroit tué un autre qu'il n'a iamais veu ny frappé il n'en seroit pas creu, & faut pour prouuer un faict externe que l'accusateur mene le iuge par le moyen d'une tresapparente preuue comme par la main, à voir quasi faire l'acte. Que s'ils manquent de preuue, combien que les Princes soient consequemment absoluables: car celuy contre lequel n'est rien prouué, n'est tenu de se deffendre, & où il n'y a accusation bien ou vray semblablement prouuee, n'y a lieu necessaire à iustificatiõ, laquelle neantmoins est receue de la part de celuy, qui de gayeté de cœur, c'est à dire sans à ce pouuoir estre forcé s'en veut charger, estant la preuue l'ame de ce que nous disons, & ainsi peut bien estre entendu en un sens ce mot sorty de la bouche de ce grand Dieu: Femme, qui est celuy qui t'accuse? Je sçay bien qu'en autre sens ce passage est communément allegué: faut neantmoins

monstrer que nous auons toutes choses au contraire. Et pour monstrer qu'ils ont meschamment & miserablement menty, ie ne parleray de la deffaite des Bourguignons ennemis de ce Royaume, & de ce qui est depuis ensuiuy. Ie ne diray encores rien de la defaictte des Lutheriens en Lorraine. Ie viendray seulemēt au temps que Henry (ie ne diray rien de ses mœurs, de peur que i'ay que l'on die que quelque passion m'a faict escrire) deceda & laissa François, Charles, ces bons Henry & François pupilles & en bas aage. Qui est celuy des Princes qui les a maintenuz? a ce point esté le Prince de Condé? a ce esté Colligny leur Admiral? a ce esté le Roy ou la Roynes de Nauarre? Les Huguenots ne seront tant impudens de dire qu'ouy. Fust-ce Iesabel d'Angleterre ceste bonne bague qui a remply le monde, & toutes les parties d'iceluy de toutes tyrannies, heresies & cruauitez. Qui fut celuy qui emporta la bataille de Dreux? Guyse: Qui fut celuy qui pour retirer de mauuaise voye le Prince de Condé n'vsa point de l'insolence de la victoire à l'endroit de son ennemy vaincu & prisonnier? Guyse: Qui fut celuy qui donna à son ennemy iuré par courtoisie & amitié son lié? Guyse. Ce fut donc ce bon Duc de Guyse qui soustint tous les efforts des Heretiques & Politiques: ce fut luy qui conserua la couronne à ses pupilles, ce fut luy qui pour garder l'heritage à l'orphelin engagea son propre heritage: ce fut

luy , qui pour le soustenement de la cause de Dieu, des Rois & du public, ses biens engagez, hypotequez & prostituez fut tué poltronnement & traistreusement à Orleans, par la subornation de ceux ausquels il auoit sauué la vie . Je ne parleray d'auantage de ce bonDuc pere, pour parler du bóDuc son fils, & si ie ne diray riē de ses merites du precedant : Je ne parleray de Montcontour, de Poictiers, & d'assez d'autres de ses actes valeureux cogneuz à tout le monde, pour parler de ce qui s'est passé depuis l'an mil cinq cens quatre vingts & cinq, duquel temps les ennemis de Dieu, de saincteté, de paix, & de saincte vnion ont pris matiere d'effacer la memoire des Princes, & forger toutes sortes de damnables & endiablees impostures. Ils ont dit qu'en ce temps la Ligue qui n'estoit & n'est autre chose qu'une saincte liaison, vnion & assemblée de gens de bien iuree, pour venger l'honneur de Dieu offencé, aux despens de leurs biens & propres vies, sur les Heretiques mocqueurs, contempteurs & violateurs de son sainct nom, & de sa tressaincte & tressacree religion, fut faicte & arrestée entre les Princes, & plusieurs autres gens de bien alliez avec eux, & poussez de pareille deuotion. Qu'il n'appartient à homme viuāt en ce Royaume de se liguier ou faire ligues sans le gré & consentement de son Roy souuerain Seigneur en son Royaume. Que faire Ligue est acte de Maistre, ce qui ne pouuoit auoir lieu en

vn subiect de ce Royaume, où il n'y a qu'un maistre, qui est le Roy par droict d'heritage & succession & où deux ne peuvent estre maistres en vn mesme temps & insolidement, comme disent ceux qui manient les loix Romaines. Il y a à cela double & irrefragable responce: la premiere, qu'il ne faut disputer que ceste sainte Ligue ne fust vallable, & ceux qui se sont liguez ne fussent dignes de louanges, ceux qui ne l'ont faict au contraire dignes de mespris & blasme, ayant comme aucuns sçauans & dignes personages l'ont sceu fort bien remarquer, notamment celuy qui a composé les considerations sur le meurtre commis es personnes de Messieurs de Guyse, homme docte, vertueux & religieux quel qu'il soit. La sainte Ligue introduite mesme par Henry de Valoys, peu memoratif, combien qu'il contreface l'aduise, es premiers Estats par luy assemblez, & neantmoins mal executez à Blois, & dont il s'en pourroit trouuer des lettres patentes estans souveraines, si les Huguenots qui ont tousiours eu le premier degré de commander pardeuant les gens de bien, ne les ont sustraites & desrobees pour en perdre la memoire, & laquelle sainte resolution fut dès ce temps signee encores de luy-mesme, & consequemment de plusieurs gens de bien, desireux de voir le saint nom de Dieu pieça foulé & offensé, réparé: la sainte religion réunie & entierement remise & restablie en ce iadis tres-Chrestien Royaume,

auquel temps toutes choses florissoient à merueilles. Pourquoy a-il doncques ou ses trahistres & masquez Politiques desagreable ce qui fut lors par vne saincte & digne resolution agreable? Les choses sainctement resolues sont elles ainsi legerement corrompues aux despens du genereux, inuincible & vrayement royal sang de France, aux despens de toute la Chrestienté? La seconde raison est, que chacun scauoit bien que Henry de Nauarre & Condé, auoient la cuirasse sur le dos dans & hors Troye, comme dit vn ancien prouerbe, pour ruiner non seulement ces tresgenereux, & tresp magnanimes & tresvertueux Princes, remord en leurs ames & consciences que c'estoit l'ancien & vray sang de France, mais les faisans mourir tout d'un coup, d'exterminer totalement la foy Catholique, prostituer toute religion & toute saincteté. Faut il représenter nos douleurs passees, qu'ils ont ou leurs peres (& peu d'enfans meilleurs que leurs peres, beaucoup pires, comme dit vn ancien poëte Grec) ioué à la boulle contre les testes de nos prestres: qu'ils les ont penduz, bruslez & essorillez. Chacun scait encores bien qu'ils auoient composé ce gros, grand & horrible monstre de villains, abominables & couards Reistres, pour penser tout en vn coup saccager la pauvre France, ce qui restoit dis-ie de la pauvre France, qui viuoit, vit &, par la grace de Dieu, viura en ceste sacre-saincte religion. Où ce miserable estoit coupable de la

leuee de cest abhominable camp , ou il n'en e-
 stoit point coupable. Il en estoit coupable c'est
 chose descouuerte & à present familiere , par-
 tant, heretique, felon, perfide , desloyal & parri-
 cide: car il les auoit fait venir pour destruire tou-
 te saincteté, toute religion: pour ruiner & sacca-
 ger ce pauvre & innocent peuple, contre le ser-
 ment qu'il a fait de garder la religion de son
 Royaume , conseruer son peuple d'oppression:
 pour meurtrir & parricider ceux (s'il eust esté
 bon Roy) qu'il deuoit tenir & reputer comme
 ses enfans. Les lettres patêtes ont esté trouuees:
 les leuees de deniers secrettement authorizees:
 les deniers qu'il a à ceste fin enuoyez , fait tenir,
 ou fait bailler par ce charlatin valette à Henry
 de Nauarre pour les conduire. Pourquoy donc,
 contre si meschante , furieuse & pernicieuse de-
 liberation faicte contre le saint nom de Dieu,
 sainte religion, les Princes & le peuple Catho-
 liques ne se fussent-ils contreliguez, veu qu'ils e-
 stoient seulement sur la deffensiue , & non sur
 l'oppugnatiue permise de droit, du naturel &
 des Gents . Ou il n'en scauoit rien & en estoit
 incoupable, & en ce cas n'a-il pas miserablemēt
 & traistreusement commis sa cruauté , sa tyran-
 nie contre ce sang royal François , qui a conser-
 ué, par la grace de Dieu , ce Royaume de l'orage
 de ce tonnerre d'Allemagne, de l'iniure de ces
 insolens & monstrueux Atheistes . Mais n'est il
 pas debteur de iustice : à quel tiltre leue-il des

tailles, des emprunts, des cens, rentes, & subsides
 sur nous, sinon pour nous conseruer nostre sain-
 cte Religion, & nous faire administrer iustice?
 Que n'a-il donc fait sa iustice cōtre l'agresseur
 ennemy iuré de Dieu, des temples, des autels, des
 François, de leurs femmes & de leurs enfans?
 Mais, ô il le sçauoit, il le sçauoit, il l'auoit ainsi
 resolu. Combien a-il octroyé d'Edicts en faueur
 de ce maïstin d'heretique? N'a-il pas permis les
 presches publiques? n'a-il pas dispensé les Aduo-
 cats, Procureurs & officiers de sa Cour souuerai-
 ne, de payer vne petite leuee annuelle de 5. sols
 pour la sainte Messe qui se dit en son Palais à
 Paris: Sa Cour vrayment sa Cour, c'est à dire, aussi
 peu religieuse que luy, n'a-elle pas entheriné
 telles demandes & si desagrecables à Dieu, & si
 deplorables aux gens de bien. O iustice bien or-
 donnee! tiree d'enfer & non du Ciel, qui punis-
 ceux qui ont bien faict, & qui t'efforces hausser
 & esleuer les meschans ennemis de Dieu & du
 public. Quelle apparence y a-il en tout cela, que
 Monseigneur le Duc de Guyse pensast seule-
 ment à entreprendre quelque chose à l'encon-
 tre de toy tyran inhumain? N'auoit il la mesme
 vertu par heritage, & toute ceste genereuse mai-
 son de feu son pere, de ses oncles, de ses parens,
 qui au temps des plus grands affaires de ce Roy-
 aume durant la pupilarité de François & Char-
 les tes freres estoient prou forts, auoient com-
 me ils ont pour leur merite & bienfaits l'amitié

de tout le peuple François: & puis y auoit il coing
au monde où la vertu de feu son pere n'eust ver-
tueusement passé. Ses ennemis le redoutoient
ils point quand il les a battuz, profligez, tuez, te-
nuz prisonniers ceux qui luy pouuoient mal fai-
re & empescher ses desseins. Mais venons au fils.
Sçais tu pas qu'en ce mesme an quatre vingts
cinq, le peuple grandement esmeu de ton impu-
reté, de ton insolence, de ton irreligion, trop re-
marquable par ton hypocrisie & dissimulee reli-
gion tendoit les bras à ces genereux Princees?
Qui les en eust empesché? Henry de Nauarre: Il
a trop peu de confiance en tes faux sermens. Ta
meschanceté, ta dissimulation a tellement pris
place en nos cœurs, que si le ciel courroucé ne
l'eust tesmoigné par ses Comettes, par ses feux
veus en toutes les parties de son grand & lumi-
neux domaine, l'on ne croyoit, il n'y a que peu
de temps, que tu fusses si meschant, si ennemy de
Dieu & de tous les gens de bien, que tu eusses
fait massacrer ces grands Machabees, ces grands
& inclytes Gedeons François, patrons de la cau-
se de Dieu, protecteurs de la sacree sainte paro-
le, propugnateurs de la cause du peuple à l'en-
contre de tes bourdaches, de tes sangsues. Eust-
ce esté Soissons qui a traistrement meurtry
feu le sieur de Joyeuse, non luy mais toy, que tu
faisnois aimer tant? Eust-ce esté ton Vallette? Il
a assez à se deffendre de ses escrouelles, le regard
desquelles te deuoit faire horreur & te repre-
senter

fenter l'imperfection qui est en toy de n'auoir
 (cōme tes predecesseurs ont tousiours fait) sceu
 guarir la chose que tu as aimee & idolatremēt
 adoree plus que Dieu & religion : comme si ces
 grands capitaines n'estoient assez cognuz, si ton
 peuple eust perdu la memoire des heroiques
 faiçts du Sieur Duc de Guyse, du Cardinal de
 Lorraine, du Duc d'Aumalle, de leurs freres, s'ils
 n'ont pas dès le berceau recogneu la generosité
 de leurs enfans successeurs par la grace de Dieu,
 non seulement quant à leurs biens, qui estoient
 cassez & quasi consommez pour soustenir la re-
 ligion & couronne de France, mais aussi quant
 à leurs vertus. Et toy Heretique, toy Politique
 & Atheiste quiconque tu sois, ie laisse tout l'en-
 tretemps : la creāce de ces Princes, n'a-elle point
 augmenté à la deffaicte de ces assassins hereti-
 ques Reistres ? Que n'y sont cōparus, si les armes
 de nos Princes estoient prises contre le repos
 du Royaume, pour enuahir & empieter l'Estat &
 la couronne, ton Espernon & toute ta quenail-
 le guerriere quand il faut tuer les hommes nuds
 & desarmez par derriere le dos. Venons aux bar-
 ricades, car c'est proprement le iour de nostre
 malheur, & ce que nous auons iustement & sain-
 tement faiçt pour garentir nos temples de pro-
 phanation, pour conseruer nos vies de meurtres
 & assassins horribles, nos femmes & nos filles
 de violemens : nos enfans innocens du glauiue
 plusqu'Herodien : nos biens d'estre la pasture &

la proye de tant de pendars auollez, que l'on nous impute à rebellion & à crime de leze Majesté. Qui est le Roy qui auoit iamais mis tant de vermine dans Paris. En toute l'histoire de France il n'y en a vn seul, si l'on ne veut dire que Charles 6. y exerça, ou plustost ses regens de grandissimes cruautéz. L'on sçait comment par iuste iugement de Dieu, il luy en est prins, quand en fin il est mort insensé & comme enragé. Mais pourquoy estoit-ce faire? sçait-on pas bien que ce iour là vie de feu Monseigneur de Guyse estoit proscripte, & de tant de bons citoyens de Paris. Les boureaux, les cordes, les potences estoient elles pas prestes: Où sont les crimes dont ils estoient accusez? où sont les proces qui leurs ont esté faits? auoient-ils esté interrogez? Qui estoient les tesmoins qui auoient depose contre eux, qui leurs ont esté confrontez? où sont les iustificacions qu'ils auoient à dire? Ce iour là n'estoit il point en feu Monseigneur de Guyse de se saisir de Henry? n'estoit il point en luy de tailler en pieces toute ceste vermine? O bonté cherement vendüe! bonté à l'endroit des ennemis de Dieu & de toute saincteté. Il s'en alla de Paris au desceu du Sieur de Guyse & des Parisiens, comme si l'on n'eust sceu recognoistre la piste de son miserable & poltronnément esperdu train. L'on ne sçauoit pas qui l'accompagnoit: comme si l'on n'eust sceu pour se saisir de luy mettre l'alarme aux champs, & faire fondre sur luy 2. ou

3000. bons cheuaux . Quelle playe a-il receu de ceste iournee sinon l'espouuante qu'il a prise de luy-mesme, causee de l'horreur de son detestable & auparauāt non ouy crime? Ses deniers luy ont ils esté pilliez? a l'on offencé quelqu'un? y a-il vne seule trace de tout cela de nostre part d'insolence? Luy auoit on denié aucun de ses honneurs, combien que le peuple suiet soit naturellement poussé à se vāger de la cruauté de celuy qui veut cōmander à coups de pistoles, & que nous ayons quelque raisonnable suiet de desirer la ruine de celuy que nous hayons pour sa cruauté. Si l'entreprise ne se pouuoit executer à Paris, & si sa fuite impreueue auoit rôpu l'entreprise de Monseig. le Duc de Guyse, qui l'eust empesché miserable de te saisir dās Māte. Estois tu en seureté? Ne vis tu pas brauemēt les gens de bien se saisir de Meulan, pour seulement preuenir ta ferocité, de laquelle tu voulois vser pour affamer (cōme tu te vantois) ceste ville de Paris. Quoy? vis tu pas tout le peuple Catholique de Chartres donner tresapparans tesmoignages de l'amour qu'il portoit à ce grand Duc qui auoit destruit & demoly l'orgueilleuse masse de ce gros & horrible esquadrō de Reistres qui menaçoit leur ville renommee par toute la Frāce, tāt pour ce digne & superbe tēple duquel elle est decoree, que pour la religion des habitans d'icelle. Tu ne scauois cōment executer ton pernicious courage si tu n'eusse tenu celuy desarmé que tu dis auoir pris les armes pour te

ruiner. Mais, ô insensé, estoit-ce au tēps qu'il re-
 stablissoit ton estat & te remettoit en l'amitié de
 tes suiets alienez par tes meschans deportemens
 qu'il le falloit saccager pour nous faire accroire
 qu'il attentoit à tō estat? Misérable que tu es, fal-
 loit il à ce grand crime faire assister Ieius Christ
 par tes blasphemes? Dieu ne voit-il pas assez &
 souffre tes miserables deportemens sans les faire
 en sa presence? Voila cōment ce pauvre Prince,
 tout nud, sans autres armes que sa pure & verita-
 ble innocence estoit allé à Blois pour empier
 & se saisir de l'Estat, qui veritablemēt luy apar-
 tenoit mieux qu'à toy extrait d'une souche bastar-
 de, illegitime, impure & conséquēment indigne
 de successeur: Estat qui fut ravi par le meurtre de
 ce bon Charles & ses enfans deiettez par force de
 leur patrimoine: Estat que si genereux capitaine
 ne deuoit veritablement te souffrir, s'il eust esté
 passionné des moindres passions qui assaillēt &
 surprennent les courages des plus petites gens,
 qui pour sauuer dix escus de rēte de patrimoine
 en mangent bien souuent plus de cent en ta bel-
 le iustice, tant ils ont en affection de conseruer
 ce qui leur vient de patrimoine. Aportent donc
 ces bonnes gens tes Politiques leurs belles rai-
 sons, & ils ne manqueront de bonnes responce.
 Mais qu'ils n'examinēt la vie de celuy contre le-
 quel faussement ils debacchent leurs iniures, &
 s'ils sont encores touchez de quelque bonté, s'il
 y a encore vne seule scintille du feu de Charité


qui doit allumer nos ames, ils confesseront que tu as follement & meschâmēt pratiqué ce pretexte pour penser colorer ton crime, & persuader ceux qui ne te croiront iamais que tu as eu quelque occasion. Je te dirois bien (mais à quelle fin) que si cela estoit vray, qu'il falloit garder vn ordre de iustice sainctement dōnee de Dieu. Donc que ce n'est chose dont l'on se doive esbahir, si tu n'as point de Iustice: Tyrannie aussi & iustice ne sont bonnes à logger ensemble. Et malheureux tu dis q̄ tu n'es Huguenot, & Heretique, tu veux cōtrefaire l'hōme sainct, & nous faire croire que tu aimes la paix. Pourquoy noz yeux nous ont ils tant de tēps traistreusement trōpez? Tu fais comme ce Pharisien qui se vātoit de ieusner deux fois la sepmaine. Tu vas aux Penitens: tu vas à la Messe. Mais, ô traistre, quelle Messe. Par quād de dits as tu abhorré les Heretiques pour nous abuser? Quantes fois les as tu remis en honneurs: cōbiē d'edits as tu faits à leur deuotiō, & à cela pour te declarer falloit ioindre le sauf-conduit donné, avec vne bonne bourse de tes fināces, aux Colonels des Reistres: falloit adiouster à cela la confederation avec Iesabel: falloit le temps (au précédant) passé, que tu fusses son soldat, & quelque iour son goiat. N'estions nous pas insenséz, quād nous ne t'auons pas recogneu, voyant meurtrir deuant toy la femme de ton frere aîné à l'heritage duquel tu as succédé? Mais quelle fēme, bon Dieu, pleine de toute saincteté, de toute religieuse pieté, & laquelle endura pour l'honneur


de son Seigneur Iesus Christ la mesme mort que il auoit enduré pour elle. Cœur enragé, roche inflexible, possédé de quelqu'un des plus meschans esprits qui fust es enfers. Et l'on ne te iugera heretique, toy qui as en ta protection Geneue, toy qui as banqueté avec les sorciers: toy qui as confederation avec les infideles. Malheureux & detestable temps auquel tu es né, destructeur de la foy, pilleur des temples, larron des precieux ioyaux, violateur incestueux des religieuses, borde-
 lier public, meurtrier des saincts de Iesus Christ. L'ô cognoist le Diable à ses griffes, l'on cognoist le renard à sa trahison, le loup à sa cruauté: l'on te cognoist pour auoir en toy toutes les meschancetez que tous les hommes ensemble ne cômirent iamais. C'estoit l'artifice que ton subtil & malicieux esprit auoit composé pour gagner la paix: C'estoit la consolation que tu deuois à ton peuple que tu as ruiné en biens, & que tu voulois encores ruiner en ame. Est-ce le moyen de mettre la paix en la maison, que d'en tuer & meurtrir les enfans, tout ainsi que si tu voulois releuer ton royaume & tu luy coupes les iambes. Je garderay à t'en dire d'auantage vne autrefois: Cependant Peuple, qui as en ce miserable temps resenty toutes les desolations & les necessitez du monde: qui as veu rouler sur ton chef les tonnerres empeschez de ton Dieu offensé: qui as senty combien sont pesantes les verges de la punition, & pour vn extreme aduertisse-


ment de le retourner à sa bonté, implorer sa miséricorde, qui as veu meurtrir tes bons Princes qui auoient sué sang & eau pour te garentir de la furieuse & veneneuse dent de ce tyran qui ne demande pas à perdre ton corps, mais aussi ton ame, ton ame, dis-ie, ce precieux ioyau sorty du cabinet de Iesus Christ, portion de sa diuinité, donne toy garde d'en ce temps t'endormir & faire le paresseux. C'est à present qu'il faut vser de la vertu que Dieu a mise en toy, c'est à present qu'il faut empanner les traicts de vengeance cōtre cest ennemy de Dieu, & tu te puis assseurer que ce souuerain Dieu assistera ta saincte & religieuse deliberation, fera florir ta semence, resiouira au temps aduenir ta vieillesse, & fera fructifier tes biens. Et vous Prince, en la personne duquel est colloquee toute l'esperance des gens de bien, c'est à present qu'il faut monstrier que vous estes, tant de pere que de mere veritablement de ce genereux & religieux sang de France: C'est à present, c'est à present qu'il faut que soyez la ressource des vostres, à quoy ces vaillans guerriers vos freres & cousins vous sçauront tresbien seconder & assister. C'est à present qu'il faut que vengeant vostre priuee querelle, vous vengiez ouuertement, vaillamment & sans aucune opinion de peur, l'honneur de Dieu offensé. Souuenez vous que la demeure est en cecy perilleuse: representez vous la trahison, la meschance té, l'infidelité, la poltronnerie (& la cruauté bru-


tale sa fille) de ce meschant qui a meurtry vostre
 sang. Dieu sera des vostres ayant deuant voz
 yeux l'esprit de vanger sa querelle: lequel ie prie
 vous preseruer & donner la grace (le Tyran de-
 bellé) de vous voir le sceptre en main, traistreu-
 sement osté à voz ayeulx.


*Dominus narrabit in scripturis populo-
 rum, & Principum horum qui fuerunt
 in ea. Psal. 86.*














319770

11 vol.

